

Na osnovu člana 7. i člana 8. Zakona o ministarskim, vladinim i drugim imenovanjima FBiH („Službene novine FBiH“, broj 12/03 i 65/13), člana 29. Zakona o javnim ustanovama („Službeni list RBiH“, br.6/92, 8/93 i 13/94), i člana 29. Pravila JU Centar za socijalni rad Ključ br.35-60/14 od 09.05.2014 .godine, Upravni odbor JU“ Centar za socijalni rad“ Ključ, na sjednici održanoj dana 12.10.2021.godine, donio je odluku da se raspiše

## JAVNI KONKURS za izbor i imenovanje direktora Javne ustanove „Centar za socijalni rad“ Kjuč

**1.Opis poslova direktora Centra:** direktor organizuje i rukovodi radom, zastupa i predstavlja ustanovu prema trećim licima i odgovoran je za zakonit rad u ustanovi; predlaže Upravnom odboru mjere za efikasno i ekonomično obavljanje djelatnosti ustanove; predlaže unutrašnju organizaciju i sistematizaciju poslova; predlaže plan rada i razvoja; podnosi izvještaj o radu ustanove i predlaže godišnji program rada; izvršava odluke Upravnog odbora; vrši izbor kandidata za radna mjesta s posebnim ovlaštenjem i odgovornostima; odlučuje o raspoređivanju radnika na određene poslove i radne zadatke; odlučuje o disciplinskoj odgovornosti radnika u skladu sa zakonom; odlučuje o prigovorima radnika na rješenje o pravima, obavezama i odgovornostima radnika u skladu sa zakonom i drugim općim aktima ustanove; podnosi Upravnom odboru izvještaj o finansijskom poslovanju; donosi i priprema informacije, planove, analize i izvještaje; saraduje sa institucijama na svim nivoima vlasti ; inicira akcije preventivnog značaja i učestvuje u njima; učestvuje u radu Stručnog tima; prati blagovremenost i zakonitost u vršenju poslova iz djelokruga nadležnosti; za svoj rad odgovara Upravnom odboru Centra.

### 2.Opći uvjeti za kandidata:

- da je državljanin Bosne i Hercegovine;
- da je stariji od 18 godina i zdravstveno sposoban za obavljanje poslova za koje se kandiduje;
- da se na njega ne odnosi član IX.1. Ustava BiH (da nije pod optužbom Međunarodnog suda za ratne zločine);
- da nije otpušten iz državne službe kao rezultat disciplinske mjere na bilo kojem nivou u BiH u periodu od 3 godine prije dana objavljivanja upražnjene pozicije;
- da nije osuđivan za krivično djelo, niti se protiv njega vodi krivični postupak;

### 3. Posebni uvjeti:

- visoka stručna sprema (VSS) VII stepen, odnosno visoko obrazovanje prvog (najmanje 240 ETCS ili drugog ili trećeg ciklusa Bolonjskog sistema studiranja – završen Fakultet političkih nauka smjer socijalni radnik, Pravni fakultet, Filozofski fakultet smjer psihologija ili Defektološki fakultet.
- da ima najmanje pet godina radnog iskustva nakon sticanja VSS i položen stručni ispit ili ispit općeg znanja.

**Imenovanje se vrši na period od četiri godine.**

**Konkurs ostaje otvoren 15 (petnaest) dana od dana objavljivanja u „Službenim novinama Federacije Bosne i Hercegovine“ i dnevnom listu „Dnevni list“.**

### Uz prijavu na konkurs potrebno je dostaviti:

- kraću biografiju;
- dokaz o završenoj visokoj stručnoj spremi;
- dokaz o radnom iskustvu i položenom stručnom ispitu;
- dokaz o državljanstvu;
- uvjerenje o nevođenju krivičnog postupka;
- potpisanu i ovjerenu izjavu da se na njega ne odnosi član IX.1. Ustava Bosne i Hercegovine;
- potpisanu i ovjerenu izjavu da kandidat nije otpušten iz državne službe kao rezultat disciplinske mjere na bilo kojem nivou vlasti u BiH;
- dokaz o radnoj sposobnosti

**Napomena:** Priložena dokumentacija mora se predati u originalu ili kao ovjerena kopija i ne starija od 6 mjeseci, u protivnom, priložena dokumentacija se smatra nepotpunom. Prijava putem pošte – preporučeno ili lično na adresu: JU "Centar za socijalni rad" Ključ, ul. Branilaca BiH br.78 sa naznakom "NE OTVARAJ – Prijava na konkurs za izbor i imenovanje direktora Javne ustanove „Centar za socijalni rad“ Ključ“.

Tel: 037/661-585 ili 661-897.

Nepotpune i neblagovremene prijave neće se razmatrati.

Broj: 34-4-39/21



Predsjednica Upravnog odbora  
Jasna Zečević